



Broj: 03/04-05-3-14/13
Sarajevo, 21.05.2013. godine

PARLAMENTARNA SKUPŠTINA BOSNE I HERCEGOVINE

Zastupnički dom
n/p gosp. Adnanu Bašiću, zastupniku
n/p gosp. Bojanu Ninkoviću, tajniku

Predmet: Odgovor na zastupničko pitanje

Poštovani,

U privitku akta, u vezi sa člankom 155. Poslovnika Zastupničkog doma Parlamentarne skupštine Bosne i Hercegovine („Službeni glasnik BiH“, br. 33/06, 41/06, 81/06, 91/06, 91/07, 87/09 i 28/12), dostavljam Vam odgovor Agencije za bankarstvo Federacije Bosne i Hercegovine na zastupničko pitanje, koje je na 47. sjednici Zastupničkog doma Parlamentarne skupštine Bosne i Hercegovine, održanoj 18. travnja 2013. godine, postavio zastupnik Adnan Bašić.

S poštovanjem,


SEKRETAR VLADE
Edita Kalajdžić



BOSNA I HERCEGOVINA
FEDERACIJA BOSNE I HERCEGOVINE
AGENCIJA ZA BANKARSTVO FEDERACIJE BOSNE I HERCEGOVINE

Broj : 04-3-1470/13
Sarajevo, 20.05.2013.

BOSNA I HERCEGOVINA
FEDERACIJA BOSNE I HERCEGOVINE
VLADA
G-đa Edita Kalajdžić, Sekretar Vlade

BOSNA I HERCEGOVINA
FEDERACIJA BOSNE I HERCEGOVINE

20.5.2013
103/04-05-3-14/2013

Poštovana gospođo,

Aktom broj 03/04-05-3-14/13 od 30.04.2013. godine, Vlada Federacije BiH dostavila je Agenciji za bankarstvo Federacije BiH (u daljem tekstu: Agencija), zastupničko pitanje, koje je, na 47. sjednici Zastupničkog doma Parlamentarne skupštine BiH, održanoj 18.04.2013. godine, postavio zastupnik Adnan Bašić. Pitanje se odnosilo na Postbank BH d.d., Sarajevo, i na aktivnosti Vlade oko rješavanja statusa Banke.

U odgovoru na navedeno, ističemo slijedeće:

U postupku provođenja Javnog poziva od 21.08.2012. godine, za dokapitalizaciju, pripajanje ili spajanje i/ili prodaju imovine uz otkup obaveza Postbank BH d.d., Sarajevo, (u daljem tekstu: Banka), ponuda Framingham Asset Management Inc., Trident Chambers, Wickhams Cay, 1040 Road Town, Tortola, British Virgin Islands, (u daljem tekstu: FAM Inc.), proglašena je kao prvorangirana dana 28.11.2012. godine. Oni su ponudili dokapitalizaciju Banke u iznosu od 19.000.000,00 KM uz prethodno okončanje postupka pokrića gubitka na teret kapitala Banke. Čime bi postali vlasnici više od 66,7% dionica s pravom glasa Banke, te, u skladu sa Uputstvom za licenciranje, traže odobrenje za navedeno sticanje.

FAM Inc je dana 17.01.2013. godine dostavio zahtjev, kojim je zatražio odobrenje za sticanje značajnog vlasničkog interesa u Postbank BH d.d., Sarajevo (u daljem tekstu: Banka) preko 66,7% dionica sa pravom glasa Banke. Dopune zahtjeva su izvršene 08.02.2013., 13.02.2013., 21.02.2013., 13.03.2013., 20.03.2013., 09.04.2013., 12.04.2013., 15.04.2013., 16.04.2013. i 18.04.2013. godine, zbog nepotpunih i nekompletnih informacija i dokumentacija.

Po razmatranju navedenog zahtjeva, dopuna zahtjeva, kao i dodatnih informacija od drugih institucija, utvrđeno je: da se FAM Inc nisu uskladili sa važećim zakonom na Britanskim Djevičanskim Otocima i nisu dobili licencu za bavljenje poslovima investiranja; da FAM Inc uopšte nisu registrovani niti u jednom komercijalnom registru u Švicarskoj a ni nadležna supervizorska institucija Švicarke - FINMA - im nije dala licencu iz domena za koja su nadležni; dostavljeni finansijski izvještaji ne mogu se smatrati revidiranim od strane ovlaštenog eksternog revizora, s obzirom da ih je uradio i potpisao interni revizor, nisu urađeni u skladu sa standardima eksterne revizije zbog čega nije poznato niti jasno porijeklo prikazanih iznosa novca kojim raspolaže FAM Inc.

Ocijenjeno je da se treba odbiti izdavanje odobrenja, jer: finansijsko stanje FAM Inc, prema dostavljenim bilansima, nije zadovoljavajuće, odnosno pokazatelji ukazuju na to da ne bi mogao izvršiti dokapitalizaciju Postbank BH d.d. Sarajevo u predviđenom iznosu od 19.000.000,00 KM; članovi organa upravljanja FAM Inc nemaju kompetentnosti i iskustva, zbog čega bi mogli biti posredno ugroženi interesi Banke ili njenih deponenata; FAM Inc nije dostavio kompletnu propisanu dokumentaciju i informacije koje Agencija traži radi donošenja odluke po zahtjevu.

Zbog navedenog, Agencija je Rješenjem broj 04-3-247-12/13 od 09.05.2013. godine odbila izdavanje odobrenja FAM Inc za sticanje značajnog vlasničkog interesa preko 66,7% dionica sa pravom glasa Banke. Postupak podnošenja dokumentiranog prigovora od strane podnosioca zahtjeva je u toku, rok od 8 dana za isto ističe 21.05.2012. godine.

S poštovanjem,

DIREKTOR
Zlătko Barš



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-1420/13
Sarajevo, 10.7.2013. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 11-07-2013

Organizaciona jedinica	Klasifikaciona oznaka	Redni broj	Broj strana
01-50-1-15-47			13

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 56. sjednici održanoj 10.7.2013. godine, utvrdilo je Odgovor na zastupničko pitanje koja je postavio Adnan Bašić, zastupnik u Zastupničkom domu Parlamentarne skupštine Bosne i Hercegovine.

U privitku prosljeđujemo Odgovor radi njegovog dostavljanja zastupniku.

S poštovanjem,

GENERALNI TAJNIK
Zvonimir Kutleša



**БОСНА И ХЕРЦЕГОВИНА
САВЈЕТ МИНИСТАРА**

Број: 05-50-1-1420/13

Сарајево, 10.7.2013. године

Gospodin Adnan Bašić, poslanik u Predstavničkom domu Parlamentarne skupštine Bosne i Hercegovine, na 47. sjednici Predstavničkog doma održanoj 18.4.2013. godine, uputio je sljedeće poslaničko pitanje:

"Uzimajući u obzir činjenicu da je godišnja školarina doktorskog studija u BiH u pojedinim slučajevima dvostruko veća od prosječne plate na godišnjem nivou BiH, što implicira masovni odlazak najboljih magistranata iz Bosne i Hercegovine postredstvom stipendija stranih fondacija, a u Bosni i Hercegovini stvaranje kulta bogatih, postavljam pitanje Vijeću ministara kao krovnoj instituciji Bosne i Hercegovine:

Da li Vijeće ministara BiH ima u planu poduzeti bilo kakve mjerepo pitanju smanjenja cijena doktorskih studija u BiH i da li postoji program sufinanciranja najboljih studenata doktorskih studija?"

Na upućenu inicijativu, Vijeće ministara Bosne i Hercegovine je na 56. sjednici održanoj 10.07.2013. godine, utvrdilo sljedeći

ODGOVOR

U okviru Vijeća ministara Bosne i Hercegovine, Ministarstvo civilnih poslova jedino je ministarstvo koje ima određenu nadležnost u oblasti obrazovanja. Prema Članu 15. Zakona o ministarstvima i drugim organima uprave Bosne i Hercegovine, Ministarstvo civilnih poslova u oblasti obrazovanja nadležno je za utvrđivanje osnovnih principa koordinacije aktivnosti, usklađivanje planova entitetskih tijela vlasti i definiranje strategije na međunarodnom planu.

Na nivou Bosne i Hercegovine 2007. godine usvojen je Okvirni zakon o visokom obrazovanju u Bosni i Hercegovini ("Službeni glasnik BiH", br. 59/07 i 59/09), kojim je jasno propisana nadležnost Ministarstva civilnih poslova u ovoj oblasti.

Prema Članu 42. pomenutog Zakona, Ministarstvo civilnih poslova odgovorno je za:

- Koordinaciju i razvoj visokog obrazovanja u Bosni i Hercegovini, uz konsultacije sa drugim nadležnim ministarstvima;
- Promociju integracije nastavnog i istraživačkog rada i stimulaciju istraživačkih programa na univerzitetima;
- Promociju mobilnosti studenata i osoblja u oblasti visokog obrazovanja u Evropi i svijetu;
- Promociju veza između visokoškolskih ustanova u Bosni i Hercegovini i visokoškolskih ustanova u regiji i u svijetu;

- Promociju jednakih mogućnosti pristupa visokom obrazovanju, stručnom razvoju i obuci, cjeloživotnom učenju i svim drugim aspektima visokog obrazovanja;
- Podržavanje i podsticanje jačih veza između sektora visokog obrazovanja, industrije, privrede i društva.”

Napominjemo da Okvirni zakon o visokom obrazovanju u Bosni i Hercegovini uopće ne govori o financiranju visokog obrazovanja, te naglašavamo da ni Vijeće ministara Bosne i Hercegovine niti Ministarstvo civilnih poslova nemaju nadležnost ni mogućnost za poduzimanje konkretnih mjera po pitanju smanjenja cijene doktorskih studija u BiH i s tim u vezi eventualnog pokretanja programa sufinansiranja najboljih studenata dokorskog studija.

Podsjećamo da je financiranje svih nivoa obrazovanja, pa tako i visokog, regulirano na nivou nadležnih obrazovnih vlasti, odnosno na nivou entiteta Republike Srpske, kantona u Federaciji Bosne i Hercegovine i Brčko distrikta Bosne i Hercegovine. U oblasti visokog obrazovanja u financiranju pored nadležnih obrazovnih vlasti sudjeluju i visokoškolske institucije, i na njima je da nađu način kako uključiti i druge potencijalno zainteresirane strane kao što su industrija, privreda i poduzetništvo, privatni biznis i slično.